



# COMO AFRONTAR CON ÉXITO OS EXAMES NO CAMPUS VIRTUAL

Guía para estudantes



UNIVERSIDADE DA CORUÑA

## 1. Antes de que comece o exame



Conéctate a Moodle polo menos 10 minutos antes do comezo do exame



Comproba que a túa conexión funciona correctamente



Procura ter un espazo libre de interferencias doutras persoas



Ten á man todo o que vas precisar para facer o exame



Se o teu profesor/a che indicou que teñas aberto o Teams para preguntar dúbidas ou para a supervisión do exame, **accede** á reunión tamén **con antelación**.



Coloca a cámara de xeito que no campo de visión non aparezan **terceiras persoas** nin elementos que poidan afectar á túa **privacidade**.



**Que facer se ...**

### **Non tes os medios técnicos necesarios**

Nese caso, non debes agardar ao día do exame. Debes comunicarllo con antelación suficiente ao teu profesor/a para buscar unha solución.

### **Non tes webcam no ordenador para conectarte a Teams**

Podes conectarte desde o teu teléfono móbil coa app de Teams instalada

### **Non eres capaz de entrar a Moodle**

Calma, agarda uns segundos e volve a intentalo. A plataforma pode ralentizarse se entran máis de 200 usuarios a un tempo.

### **A conexión a internet non funciona**

Reinicia o router. Se segue sen funcionar saca unha captura de pantalla do teu ordenador (asegúrate de que sae a data e a hora na captura) e envíalla ao profesor por Teams (se tes datos móbiles) ou gárdaa para enviarlle despois como xustificante.

**Preme aquí para ver como crear  
un punto wifi co teu móbil**



## 2. Antes de comezar o exame



**Le con atención** as instrucións: número de intentos, duración, penalización nas respostas incorrectas, etc.




Emprega o Teams para consultar calquera **dúbida** ao profesor/a. Velaquí como proceder:




### Dúbdas individuais:

Usa o chat do equipo da materia para consultar individualmente ao profesor/a



### Dúbdas grupais:

Para dúbdas que poidan beneficiar tamén aos compañeiro/as emprega o chat da canle "General" da materia.



### 3. Durante o exame



Cando teñas todo claro, preme en "Comezar intento"



Verás as preguntas do exame todas xuntas ou unha por páxina (dependendo de como o configurara o/a docente)

**Pregunta 1**

Aínda non respondido

Puntuado fóra de 1,00

🚩 Marcar a pregunta

✎ Editar a pregunta

**Seguinte**

Cal foi a causa principal que desencadeou o cambio da sociedade industrial á sociedade da información?

Selecione unha:

- ☐ a. A aparición dos dispositivos móbiles
- ☐ b. A invención dos ordenadores
- ☐ c. A irrupción das Tecnoloxías da Información e a Comunicación (TIC)

**NAVEGACIÓN DA PROBA**

1	2	3	4	5	6	7	8	9	10
---	---	---	---	---	---	---	---	---	----

Finalizar intento ...

Tempo restante **0:01:39**

- Número de pregunta
- Puntuación
- Marcar a pregunta: serve para volver despois sobre ela se a navegación polas preguntas é libre
- Botón para pasar á seguinte pregunta

- Aquí verás o corpo da pregunta.
- Nas preguntas de elección múltiple agora tes un botón para cambiar a resposta se te equivocas.

- Navegación pola proba. OLLO!: se é secuencial non poderás volver atrás
- Botón para finalizar o intento
- Temporizador (se a proba ten límite de tempo)



Se penalizan as respostas incorrectas e non se inclúe unha opción de deixar a pregunta en branco, pénsao ben antes de marcar unha opción.

### 3. Durante o exame



Se tes calquera dúbida, usa o Teams para consultar ao profesor/a



**Que facer se ...**

#### **Falla a conexión do teu equipo ou da plataforma a media proba**

Mantén a calma, as túas respostas vanse gardando automaticamente e só perderás a pregunta que estás respondendo nese momento.

#### **Expirou a sesión ou tiveches que saír a media proba**

O temporizador segue correndo se a proba ten tempo límite, intenta volver a conectarte o antes posible e atoparaste no punto onde o deixaches. Se falla a conexión e non eres capaz de volver a entrar na proba antes de que remate o tempo, garda unha captura como xustificante e notifícallo o antes posible ao docente.

#### **Esgotouse o tempo e non enviaches as respostas**

Tranquilo/a, a configuración por defecto é que se tes a proba aberta e o tempo finaliza, o intento envíase automaticamente.



Se saíches do exame por algún problema e rematou o tempo, volve a entrar para que conste como finalizado. Se pasaron máis de 60 segundos desde que rematou o tempo non envíes a proba, simplemente accede a ela e volve a saír para que se envíe automaticamente

### 3. Durante o exame



Intenta non apurar o tempo ao límite. Garda algo de tempo para repasar antes de enviar (se a proba é secuencial non poderás repasar porque non permite volver atrás)

Finalizar intento

Cando remates, preme en *Finalizar intento*

Enviar todo e rematar

E a continuación en *Enviar todo e rematar*



Se tes que facer algunha **actividade manuscrita**, probablemente o/a docente habilitará unha entrega para que podas subir a **foto/escaneo** da túa actividade. O normal é que che outorguen un tempo extra para facelo.



Consulta esta **infografía** para aprender a escanear e a enviar correctamente os teus documentos manuscritos.

### 4. Unha vez finalizado o exame



Poderás acceder á cualificación e ás respostas correctas unha vez finalizada a proba ou pasado un tempo, segundo o teña configurado o/a docente.



Lembra que tes dereito a unha revisión do teu exame. Solicítalla con antelación ao profesor/a para que poida programala

## 5. Aspectos legais importantes



O uso da túa imaxe e da túa voz durante as sesións de avaliación está **lexitimado** (ver normativa UDC).



A gravación recoméndase só en probas orais e TFG/TFM e ten como finalidade única a da avaliación. Está **prohibido reutilizar, compartir ou difundir** as gravacións das probas sen consentimento expreso das persoas implicadas



Lembra que estás suxeito/a ao principio de **honestidade** académica recollido no artigo 13.2.d do **Estatuto do estudante universitario**.



O/A docente está autorizado a pedirche un **documento acreditativo** da túa identidade durante as probas de avaliación.



Tes dereito a solicitar o acceso, rectificación, supresión, oposición, limitación e portabilidade dos teus **datos persoais** (máis info aquí).



**Trata de estar tranquilo/a e todo irá ben. Ante calquera incidencia, garda evidencias de todo e consulta ao teu profesor/a**